

Isumaginninnermut Naalakkersuisoq
Medlem af Naalakkersuisut for Sociale Anliggender

Inatsisartunut ilaasortaq Anda Uldum, Demokraatit



Uunga akissut: Meeqqat pisinnaatitaaffii pillugit FN-ip isumaqatigiissutaata ukiunik 20-nngortorsiornissaanut Naalakkersuisut malunnartitsiniarpat?

21. september 2009
Sags nr.
2009-020655
Dok.nr. 231577

Asasara Anda Uldum

Apeqqummut nassiunneqarsimasumut qujanaq, taanna ilismatitsissuteqarnissannut periarfissiimmat, qanoq Meeqqat pillugit Nalaagaaffiit Peqatigiit isumaqatigiissutaat Kalaallit Nunaanni oqallinnerpassuarnik iliuuseqarnerpassuarnillu tunngaviliisuusimanersoq.

Postboks 260
3900 Nuuk
Tlf. (+299) 34 50 00
Fax (+299) 32 55 05
E-mail: in@gh.gl

Ilanngullugu erseqqissaatigerusuppara, Naalakkersuisooqatigiinnissamik isumaqatigiissummi meeqqat atugarisaasa pitsanngorsarneqarnissaannut tunngasut naalakkersuineri suliniuteqarfissaammata pingaartinneqarlunnartut. Taamaammatt Naalakkersuisut aaliangersimapput Nalaagaaffiit Peqatigiit Meeqqat pillugit isumaqatigiissutaata ukiunik 20-nngortorsiornera malunnartinniassallugu. Sulili aaliangerneqanngilaq qanoq sutigullu malunnartitsiniaaneq ingerlanneqassanersoq.

Ulloq 20. november 1989-imi Naalagaaffiit Peqatigiit ataatsimeersuarneranni Meeqqat pisinnaatitaaffii pillugit nunat tamalaat isumaqatigiissutaat akuersissutigineqarpoq. Juli 1991-imi Danmarkip nunat tamalaat isumaqatigiissutaat atuuttussanngortippaa. 1992-milu martsip 26-ani Kalaallit Nunaanni Inatsisartut nunat tamalaat isumaqatigiissutaat ilannguffigineqassasoq akuersissutigaat.

Nunat tamalaat isumaqatigiissutaat meeqqat inuusuttullu pillugit naalakkersuinikkut ingerlatsinerup ineriartortinneqarneranut annertuumik pingaaruteqarpoq. Ilaatigut Naalakkersuisut meeqqanut inuusuttunullu ikiorsiisarneq pillugu Inatsisartut peqqussutaat nr. 1, 15. april 2003-meersumi § 3 malillugu nunat tamalaat isumaqatigiissutaata atuutinneqarnissaanut Naalagaaffiillu Peqatigiit Meeqqat pillugit ataatsimiititaliaannut danskit naalagaaffiata ukiut tallimakkaarlugit nalunaarusiortarneranut ilanngussisarnissaminut pisussaaffeqarput.

Tamakku saniatigut 1999-imiilli ukiut tamaasa aningaasanut inatsimmi meeqqat pisinnaatitaaffii pillugit pikkorissartitsinernut aningaasanik immikkoortitsisoqartarpoq. Juni 2008-mi Ilaqutariinnermut Peqqissutsimullu Naalackersuisoqarfiup ataatsimeersuarneq "Meeraalluni NUAN" ingerlappaa, tassani meeqqat inuusuttullu pisinnaatitaaffitik pillugit paasitinneqarput. 2009-mi Qaasuitsup Kommuniani nunaqarfinni Tasiilallu eqqaani nunaqarfinni sulianik ingerlatsisunut sulisunullu allanut meeqqat pisinnaatitaaffii pillugit pikkorissartitsinernik neqeroruteqartoqarpoq.

2010-miittaaq naatsorsuutigineqarpoq meeqqat inuusuttullu pisinnaatitaaffinut tunngasut nukittorsarniarlugit suliniuteqartoqarumaartoq / pikkorissaasoqarumaartoq

Taakkununga ilanngullugu meeqqat inuusuttullu pillugit paasisitsiniaanerit assigiinngitsut ingerlanneqartarsimapput, taakkunani meqqat pisinnaatitaaffii erseqqissaavigineqartarsimapput, soorluttaaq naalackersuisnikkut ukiuni arlalissuannngortuni oqallinnermi meeqqat pisinnaatitaaffii qitiutinneqartartut.

Inussiarnersumik inuulluaqqusilluta
Med venlig hilsen

Maliina Abelsen